

Sinar Harian
17/8/2015
MIS 35

Bayi di tempat buang sampah

SHAH ALAM - Seorang bayi perempuan yang masih hidup ditemui di kawasan buang sampah dalam belukar di Jalan Desa Latania Seksyen 36, di sini, kelmarin.

Ketua Polis Daerah Shah Alam, Asisten Komisioner Shafien Mamat berkata, bayi itu dijumpai kira-kira jam 10 pagi oleh seorang lelaki.

“Lelaki itu terkejut mendengar tangisan bayi, kemudian mencari dari mana bunyi itu datang sebelum ternampak satu bungkusan plastik tidak berikat di tempat membuang sampah,” katanya ketika dihubungi *Sinar Harian*.

Katanya, bayi yang masih bertali pusat itu dihantar ke Hospital Tengku Ampuan Rahimah (HTAR) Klang.

“Polis percaya individu yang bertanggungjawab dalam kes ini akan dapat dikesan dalam tempoh terdekat,” katanya.

Polis meminta kerjasama orang ramai yang mempunyai maklumat berhubung kejadian itu dan merayu klinik atau hospital yang menerima pesakit baru lepas bersalin supaya menghubungi polis berhampiran bagi membantu siasatan.

Kes disiasat mengikut Seksyen 317 Kanun Keseksaan.



Bayi yang cukup sifat ini ditemui seorang lelaki di tempat membuang sampah berhampiran belukar.